

B O S N A I H E R C E G O V I N A
F E D E R A C I J A B i H
G R A D Z E N I C A

Služba za boračko-invalidsku i socijalnu zaštitu, stambene poslove i društvene djelatnosti

Broj: 07-45-536/21
Zenica, 11.01.2021.godine

STRUČNA SLUŽBA GRADSKOG VIJEĆA

PREDMET: Stav Službe

Izvještaj o radu JP "RTV ZENICA" d.o.o ZENICA ZA 2019. GODINU
- dostavlja se

Shodno nadležnostima sadržanim u Statutu Grada Zenica, Odluci o osnivanju Javnog preduzeća i ovlaštenjima po Zakonu o javnim preduzećima, Služba je razmotrila Izvještaj o radu JP "RTV ZENICA" d.o.o. Zenica u 2019. godini sa finansijskim izvještajem za 2019. godinu i Izvještajem o radu Nadzornog odbora i direktora u 2019. godini, kao i revizorski izvještaj ovlaštenog društva za reviziju, te nakon analize i ocjene navedenih dokumenata konstatuje:

-Izvještaj o radu JP „RTV Zenica“ d.o.o. Zenica u 2019. godini sačinjen je prema predloženoj metodologiji i daje detaljnu i preciznu sliku o radu i poslovanju ovog Javnog preduzeća.

- Osnovna djelatnost JP RTV Zenica je proizvodnja, prenos i emitovanje radio i televizijskog programa namijenjenog javnosti. Kao javno preduzeće ono je i osnovano radi ostvarivanja prava građana Grada Zenice na potpuno i objektivno informisanje kao i zadovoljavanje kulturnih i obrazovnih potreba, i u tom smislu su ostvarili javnu funkciju zbog koje su i osnovani.

- Grad Zenica u kontinuitetu ulaže određena sredstva za poboljšanje emisionog sistema, nabavku opreme i stalnih sredstava.

- Preduzeće je organizovano kao društvo sa ograničenom odgovornošću, sa 67,5 % državnog kapitala (Grad Zenica), 15,8 % JP RTV Zenica, 16,7 % ostali osnivači. Osnivač RTV Zenica je Grad Zenica i mali udjeličari.

- Na kraju 2019.godine broj zaposlenih u Preduzeću je bio 44, od kojih je 36 ugovora na neodređeno vrijeme, 7 ugovora na određeno vrijeme uz sufinansiranje Federalnog zavoda za zapošljavanje, te direktor na mandatni period od četiri godine kroz menadžerski ugovor.

Preduzeće je u 2019. godini napustilo troje zaposlenih po osnovu sporazuma o prestanku radnog odnosa, na zahtjev radnika, od čega su dva radnika na neplaćenom odsustvu u trajanju do jedne godine, bez prava na isplatu otpremnine.

- Saradnja Službe sa menadžmentom ustanove je zadovoljavajuća u smislu pristupačnosti, međusobne komunikacije, zajedničkih projekata te realizacije osnivačkih obaveza, a isto važi i za saradnju sa nadzornim odborom Preduzeća.

- Nadzorni odbor je usvojio Izvještaj o radu, a rad direktora smatra pozitivnim u smislu doprinosa ostvarivanju programskih zadataka, namjenske upotrebe javnih sredstava i zakonitosti u radu Preduzeća, poboljšanja kvalitete u radu, disciplini, organizaciji i ukupnom kvalitetu pružanja usluge.

Vezano za djelatnost, treba napomenuti sljedeće:

- U 2019. godini osnovna programska orijentacija bila je usmjerena na informisanje gledalaca i slušalaca o lokalnim temama i događajima od značaja za lokalnu zajednicu, što je i programski uslov iz desetogodišnjih dozvola koje je 2012. godine izdala Regulatorna agencija za komunikacije.

- RTV Zenica ima tri medija –Radio, Televiziju i web stranicu [www „zenica.info“](http://www.zenica.info). Radio Zenica je regionalna javna stanica koja program emituje 24 sata. Radio i TV Zenica imaju status javnih stanica, što je regulisano i važećim dozvolama. Regulatorna agencija za komunikacije dala je 2012. godine desetogodišnje dozvole za rad Radiju i Televiziji Zenica.

- Grad Zenica kao osnivač finansirao je realizaciju dijela proizvodnje i emitovanja programa RTV Zenica sa 324.000,00 KM.

-Grad Zenica je za razvoj emisionog sistema u 2019. godini izdvojio 40.000 KM.

U istoj godini iz budžeta Grada podržane su sljedeće manifestacije:

Dan Zenice: 20.994 KM

Ljeto u gradu: 145.000 KM

Doček Nove godine: 110.000 KM

- JP RTV Zenica je poslovnu 2019. godinu završilo sa ukupnim prihodom od 1.275.210 KM i rashodom od 1.241.478 KM, te je preduzeće poslovnu godinu završilo sa ostatkom od 33.732 KM.

- Ova medijska kuća kao javni servis, svoje usluge pruža ne samo Gradu Zenici nego i širem području Kantona i njegovih institucija.

- Nadzorni odbor je pozitivnim ocijenio rad direktora Preduzeća, a radio je u skladu sa Zakonom o privrednim društvima, Zakonom o javnim preduzećima te Statutom i drugim normativnim aktima Društva u okviru Zakonom predviđenih obaveza i dužnosti.

- Kao i ranijih godini Preduzeće svoju djelatnost obavlja sa više lokacija, odnosno odvojeno radio i televizijski program , te smo stala da je poboljšanje prostornih uslova rada, jedan od uslova efikasnije i racionalnije organizacija rada, pa smatramo da te aktivnosti treba nastaviti.

Smatramo da dostavljeni materijali pružaju dovoljno dobru osnovu da bi Gradsko vijeće moglo donijeti adekvatnu odluku i očitovati se o radu ove Javne ustanove.

S poštovanjem,

PRILOG:

1. Izvještaj o radu i poslovanju JP "Radio-telvizija Zenica" d.o.o Zenica za 2019.godinu
2. Izvještaj NO za 2019.godinu
3. Izvještaj ovlaštenog revizora o poslovanju za 2019.godinu

DOSTAVLJENO:

1 x Naslov

1 x a/a

Šef Odsjeka društvenih djelatnosti
Z.I.



Pomoćnica Gradonačelnika

Sumeca Mujkanović